

Inatsisartut Kultureqarnermut Ilinniartitaanermullu
Ataatsimiititaliaat
maani

Sisamangornermi 11. maj 2006 nal. 09:30 Inatsisartut ataatsimiittarfianni 2-mi isumasioqatigiinneq

Inatsisartut Kultureqarnermut Ilinniartitaanermullu Ataatsimiititaliaata inatsisartut oqaluuserisassaasat marluk, tassa UPA2006/20 kiisalu UPA2006/97 pillugit isumasioqatigiinnissaq kissaatigisimavaa.

Apeqquut 1-mut akissut UPA 2006/20 pillugu:

2000-ip aallartinneraniilli tipsernermit lottornermiillu iluanaarutinik ag-guaassisarnermut nalinginnaasumik tunngavimusimavoq Nunatsinni pinngua-atinit sinneqartoorutit Nunatinnut, tassa qinnuteqartunut Nunatsinni aala-jangersimasumik najugalinnut, taakkununga ilanngullugit peqatigiiffinnut kattuffinnullu iluaqutaassasut.

Allaassutaasut tassatuaapput timersortartut pikkorissut pikkorivissullu Team Grønlandimit tapiiffigineqartartut. Timersortartut taakku timersuutiminnut pikkorissarumallutik ingerlatsiumallutillu Nunatta avataaniittariaqakkajut-tarput. Periuseq taanna inatsimmi nutaami ilanngunneqarpoq.

Nunatsinni aalajangersimasumik najugaqarnissaq pillugu aalajangersagaq inatsimmi ilanngunneqarsimanngitsuuppat tamanna nunatsinni ingerlaturanut ingerlaturanulluunniit innuttaasut peqataaffigisinnaasaannut aningaasat ikin-nerunerannik kinguneqassagalarpoq.

Tapiissutit "Avalak" ammaanneqartuuppata qinnuteqartut allat assersuuti-galugu kalaallit timersornikkut kulturikkullu peqatigiiffii Danmarkimiittut pissutissaqarluartumik kissaatigilissagalarpaat inatsit ima allanngortinne-qassasoq Nunatta avataanit qinnuteqartunut ammaassisoqarsinnaanngorlugu. Peqatigiiffiit kattuffiillu Danmarkimiittut ammaanneqassappata aningaasa-liissutit amerlineqartariaqassapput.

Danmarkimi kalaallit peqatigiiffii danskit peqatigiiffii assigalugit ingerlata-minnut tapiisoqarnissaanik qinnuteqarnissamut periarfissaqarput.

Toqqortanut A-nut B-nullu tunngatillugu naammagittaalliorsinnaaneq inat-sisissatut siunnersuusiornermi eqqartorneqarsimavoq inatsisissatulli siun-

11. maj 2006
J.nr. 02.23-00023
Dok nr.167280
Postboks 1029
3900 Nuuk
Oq/tel +299 34 50 00
Fax +299 32 20 73
Kiiip@gh.gl
www.nanoq.gl/kiiip

nersuummi kattuffinnut akisussaaffiliinissaq tunngavippiaammat pisortaqar-fik isumaqarpoq agguaanerit il.il. pillugit naammagittaalliuutaasinnaasut GIF-p, Sorlaap aamma Team Grønland-ip aalajangiisartuinit (siulersuisut ataatsimeersuarnerillu) aaqinneqartariaqartut. GIF-p, Sorlaap aammalu Team Grønland-ip agguasarnermut maleruagassioortillutik aamma naam-magittaallioortarfimmik pilersitsinissaat akornutissaqanngilaq.

Aammattaq inatsisissatut siunnersuummi allassimavoq kattuffiit suliat suliarineqartarnerat pillugu inatsit il.il. (tak. § 3) malissagaat, tamatumalu sulia-nik suliarinnittarnermi isumannaallisaanissaq nassataraa. Tamatuma saniatigut Naalakkersuisut § 5 naapertorlugu kattuffinnut tapiis-sutillu atorneqarnerinut pingaarnertut nakkutilliisussaapput taamalillutillu aalajangersimasumik kukkusoqarnera pisortaqarfimmit paasineqarpat iliuu-seqarsinnaallutik.

Qinnuteqartut piumasagaatinik nalinginnaasunik tamanik naammassinnittut tamatigut tapiiffigineqartarmata naammagittaalliuutaasinnaasoq tapiissuta-a-sut amerlassusaannut tunnganerpaassarunarpog. Tapiissutini taakkuninnga amerlassusiliinermi aningaasat qanoq amerlatigisut agguanneqarnissaat kiisalu qinnuteqartut missingersuutaannut tunngatillugu ilimagisat apeqqu-taasarmata naammagittaalliuutaasinnaasunik suliarinninnissaq naammagit-taalliuuteqartarfimmut ilungersunartorujussuusinnaavoq.

Toqqortat C-t innersuussutigalugit pisortaqarfimmit inassuteqartoqareer-neratigut tapiissuteqarnissaq pillugu Naalakkersuisoq aalajangiisarpoq. Taa-maattumik oqartussaasunut allanut qulliunerusunut naammagittaallioorfis-saqanngilaq.

Qinnuteqaatit piumasagaatinik nalinginnaasunik naammassinniffiusut ta-marmik tapiiffigineqartarput. Taamaattumik pisortaqarfik naammagittaalli-utininik ikittuararsuarnik tigusaqartarpoq.

Iisimatitsissutigineqassaaq toqqortat C-mut naammagittaalliuuteqartoqara-angat pisortaqarfimmiit isumagineqartarmata.

Apeqquut 2-imut akissut UPA2006/97 pillugu:

Kultureqarnermut Ilinniartitaanermullu Ataatsimiititaliaq ilumoorluinnarpoq immikkoortoq 97 pillugu tusarniaanermut piffissaliussa q nalingin-naanngitsumik sivikitsuararsuummat. Tamanna pisunik iluatsitsiffiul-luannngitsunik piffissaanngitsukkullu qinersisitsisoqarneranik pissuteqarpoq.

Tusarniaaffigineqartut tusarniaalluni allagaqannginnermi nukinginnaq tusar-niaanissaq pillugu ilisimatinneqarsimapput tamannalu tamanit akueri-neqar-simalluni. Atuarfiit pineqartut tamarmik tusarniaaffigineqarsimapput. Atuar-fiit ilaasa oqaaseqaatissaqannginnerminnik telefonikkut e-mailikkulluunniit akinissartik toqqarsimavaat.

Peqqussut siusinnerusukkut oqaatigineqareersutut danskit ilinniarnertuunngorniarnermik aqqissuusseqqinnerat malillugu pisariaqartumik aannikitsumik iluarsineruvoq. Nalunaarutit iluarsisat siusinnerusukkut nassiunneqartut peqqussummut tulluussagaapput tamarmillu 1. august 2006-imi atuu-tilissallutik, taamaattumillu ukiakut ataatsimiinnissamut kinguartitsinissaq pitsaavallaassanani.

Tamatuma saniatigut peqqussut inatsisaagallartuuvoq, ilinniarnertuunngorniarnermi ilinniartitaanerit aqqissuuteqqinneqarnerannut atatillugu atorunnaarsinneqartussatut isumaliutigineqarnera pissutigalugu. Aqqissuusseqqinneq 2009-mi piviusunngortinneqassaaq naalakkersuisoqarfiulli piffissami matumani ulloq taanna siuartinniarsaraa 2008-miilli piviusunngortinneqar- niassammat.

Tamatumunnga tunngatillugu erseqqissarneqassaaq peqqussut taamaallaat inuussutissarsiutitigut ilinniarnertuunngorniarnertut HHX aamma HTX-mut tunngammat. Aqqissuusseqqinneq piviusunngortinneqarpat ilinniarnertuunngorniarnertut tamarmik pineqalissapput, tassaasut HHX, HTX kiisalu Avannaani, Qeqqani kiisalu Kujataani Ilinniarnertuunngorniarnertut.

Ikinngutinnersumik inuulluaqqusillunga

Doris Jakobsen
Naalakkersuisunut ilaasortaq